



Verkiezings- programma

VVD Drenthe 2019



Voloet Veur Drenthe

VOLK, beste mènsen,

Veur je hej het verkiezingsprogramma van de VVD Drenthe veur de verkiezings van de provinciale staoten op 20 meert 2019. De VVD giet: **Voloet Veur Drenthe! In de ofgelopen jaoren hef de VVD Drenthe hiel goed zien best daon um Drenthe beter te maken. Er is ontzettend veul beriekt: zowat hiel Drenthe hef glasvezel. Hierdeur is Drenthe sneller digitaal beriekbaar en veiliger maakt. Maor ook de economie is starker worden en der is meer volk an 't wark kommen. We hebt Drenthe op de kaart zet als vrijetiedsprovincie met hiele mooie vakantieparken en hiele mooie fietsroutes. En....natuurlijk de Vambarg.**

Boerenverstaand

Ook de kommende veer jaor wilt wij deurgaon um Drenthe starker en duurzamer te maken. We bint zunig en trots op oeze mooie provincie waar het met mekaar goed wonen en warken is. De energietransitie en het klimaatbeleid gaot de kommende jaoren ook in oeze provincie veraanderings brengen. Maor, as 't an de VVD lig, wil wij dizze veraanderings tot stand brengen met Drèents boerenverstaand. Veur de Drenten moet dizze veraanderings wel kunnen en ook nog te betalen wezen.

Duurzaam

In oeze provincie giet economie en natuur hiel goed samen. Er is ruimte genug um meer te ondernemen. Oeze bedrieven moet de kommende tied de meugelijkhied blieden hollen um oet te breiden, waarbij ze rekening moet hollen met heur omgeving. De recreatie- en landbouwsector bint veur de VVD dragers van het landelijk gebied. Ze moet de meugelijkheden kriegen um zich snel an te passen an de veraanderings in heur sector. De boeren weet as gien aandern wat klimaatverandering en duurzaam produceren betiekt.

Jong en old

Jongelui hebt de toekomst. We wilt dat ze hier kaansen kriegt en heur boterham kunt verdienen in oeze provincie. Daorum moet wij zörge veur een oetgebred aanbod an opleidingen en an oetdagende banen. We wordt allemaol older, ook in Drenthe. De VVD wil dat olderen zo lang meugelijk in hun iegen hoes en darp kunt blieden wonen. Het is van belang dat ze dan wel goeie zörg kunt kriegten. Zowel jong as old moet daarbij kunnen genieten van een bried aanbod an veurzieningen op het gebied van cultuur, sport en natuur.

Goeie verbindingen

De VVD is veurstaonder van duurzame economische ontwikkelingen en veur neiigheden. Ze is der veur, dat het plattelaand en de steden makkelijk beriekbaar bint. In Drenthe verplaots wij oes met de auto, maor ok op de fiets of met de trein of bus. Daorum wil wij goeie wegen en fietspaden, maor ok, daj makkelijk met de bus van de ien naor de andere plek kunt reizen. We blijft oes best doen um een snellere treinverbinding met de randstad te kriegten.

De binnensteden en het plattelaand

De VVD is veur levendige binnensteden in Drenthe. Je moet er gezellig kunnen winkelen en kunnen genieten van horeca en terrassies. Dit geldt natuurlijk ok veur de darpen in oeze mooie provincie. Er mut genog te beleven wezen veur de toeristen maor zeker ook veur de Drenten zölf.

Trots

Wij Drenten bint trots op oeze nuchterheid, op oeze taol, oeze cultuur, op oeze ofkomst en.....we bint trots op oes Drenthe. We ziet dan ok hiele mooie kaansen die wij met mekaar wilt anpakken. Ien van die kaansen is onder aandere de Formule 1 naor Drenthe halen. Dat zul hiel mooi wezen. We hebt in Assen een prachtig en oetstekend beriekbaar circuit met 65.000 zitplaotsen.

Volk, met een nuchtere en heldere visie giet de VVD vol vertrouwen de verkiezings in. Ik ben trots op oeze liest met daarop Drenten die enthousiast bint en gedreven um er samen wat van te maken. Samen met je wilt wij de kommende veer jaor:

VOLOET VEUR DRENTHE!



Henk Brink.

De bovenste van de liest van de VVD in Drenthe

INHOLDSOPGAVE

ECONOMIE.....	7
- Oetneudigend Vestigingsklimaat.....	9
- Ruimte veur Bedrieven.....	9
- Leemdige Binnensteden.....	11
- Circulaire Economie.....	11
- Duurzame & Innovatieve Economie.....	12
- Recreatie & Toerisme.....	13
- Agrarische Sector.....	14
VERKEER.....	15
- Mobiliteit.....	15
- Groningen Airport Eelde.....	18
UMGEVING.....	19
- Wonen.....	19
- Energie.....	19
- Vitaal Plattelaand.....	21
- Natuur & Landschap.....	23
- Water	25
- Milieu	25
KUNST & CULTUUR.....	27
- Podiumkunsten.....	27
- Arfgoed.....	28
- Musea.....	29
- Publieksbereik & Financiering.....	29
- Regionale Umroep.....	30
WELZIJN.....	31
- Veiligheid.....	31
- Onderwies & Arbeidsmarkt.....	31

- Zörg.....	33
- Bibliotheken	34
- Sport.....	34
- Jongeren.....	35
- Oideren.....	36
BESTUUR.....	37
- Kerntaken.....	37
- Europa.....	38
- Financiën.....	40

ECONOMIE

len van de belangrijkste taken - zo niet de belangrijkste taak - van de provincie is de versterking van de regionale economie. Een gezonde regionale economie zorgt veur warkgelegenheid en trekt arbeidskrachten an. Met verbetering van het welzijn en van het veurzieningsniveau as indirect effect.

Daarbij mut de provincie zich goed rekenschap geven, dat de overhied gien banen scheid; dat doet ondernemers. De provincie kan wel 't ondernemersklimaat bevorderen en waor meugelijk samenwarken met de ondernemers. Veural in de belangrieke sectoren waorin Drenthe extra deskundighied hef zoas:

- Maakindustrie
- Transport & Logistiek
- Biotechnologie & Gruune Chemie
- Agrarische Sector
- Recreatie & Toerisme
- Gezondheidszörg

Het giet beter met de Drèentse economie. Daorin ziet wij neie kaansen veur Drèentse ondernemers. Met name in de energietransitie en de circulaire economie. De provincie mut juist dizze ontwikkelingen stief ondersteunen.

De Top Dutch Campagne hef Noord-Nederland positief op de kaart zet. Wij wilt deurgaon met het promoten van Drenthe as een geweldige ondernemersprovincie. Waor:

- ruimte is um te ondernemen
- waor de bereikbaarheid oetstekend is
- waor innoveren veurop stiet.

De 'Economic Board' waor ondernemers "in de lead" bint, mut zörgen veur de verbindings tussen overhied, bedrijfsleven en onderwies in Drenthe.

De provincie zöch daarbij aansluiting met:

- de omringende provincies (Gruningen, Friesland, Overiessel)
- de regio Gruningen-Assen
- de regio Zwolle
- de regio Emmen-Coevern-Hoogeveen-Hardenbarg
- Duutsland (Niedersachsen).

De VVD wil:

- een actief warvingsbelied, votbordurend op de Top Dutch campagne
- in afstemming met de NOM
- zörg veur een goeie regionale infrastructuur
- stimulering van projecten zoas 'slimme fabrieken' (High Tech Systems & Materials & Region of Smart Factories)
- zörg veur een snelle ofhandeling van administratieve processen en vergunnings
- Stimulering van warkgelegenhied veural veur praktisch opgeleiden (vmbo en/of techniekunderwies kriegt hoge prioriteit)
- het rondgaon van informatie, kennis en ideeën rond kenniscentra stimuleren um zo lerende netwerken te creëren en um ondernemers en kenniscentra samen te brengen. As veurbield zoas bij de Health-Hub Roden
- het Midden- en Klein Bedrief (MKB) in Drenthe mut unverkört stimuleerd en faciliteerd worden. Beveurbield deur de inzet van het rooie looper belied en het MKB-fonds
- de oprichting van een 'Economic Board' as goeie meugelijkhied um overhied, bedrieffleven en underwies te verbinden
- de ontwikkeling van de Toeristisch Recreatieve Zone (TRZ) um het Asser TT-circuit
- de Formule 1 op kórte termien naor Drenthe halen. Het TT-circuit hef doorveur alles in hoes. Het is oetstekend beriekbaor, hef ervaring met grote evenementen en er bint weinig aanpassingen aan de baan veur neudig.

Oetneudigend Vestigingsklimaat

Deur technologische ontwikkelingen en een veraanderende bevolkingssamenstelling gedraagt consumenten zich aans as vrogger. Dit hef gevolgen veur veul sectoren. Van de hoezenmarkt tot de detailhandel. In het MKB vrag ankoppelende concurrentie veul ondernemers um aans te gaon ondernemen. Bievueurbeeld met webwinkels zich te specialiseren/onderscheiden of te gruien. Dit stelt eisen an hoesvesting, beriekbaorheid en de kwaliteit van digitale verbindings.

Grote nationale en internationale bedrieven stelt al meer hogere eisen an neie vestigings-locaties. Ze bint daorbij, minder dan eerder, bunnan an een laand of een regio. Maor zij hecht wel grote weerde an goed opgeleid personeel en een oetstekende (digitale) infrastructuur. Bij onvoldoende perspectief in Drenthe wiekt een bedrijf gauwer oet naor een aandere regio. Met verlies veur oeze economie as gevolg. Wij wilt dit veurkommen.

Wij staot veur goed geoutilleerde vestigingsmeugelikheden en beriekbaorhied. Meuglukheden die aansluit bij de eisen die ondernemers en bedrieven stelt en die ertoe doet dat ondernemers zich graag in Drenthe vestigt. Doordeur wordt bedrievighied en innovatie bevorderd.

Ruimte veur Bedrieven

Wij vindt het belangriek dat er ruimte blif veur bedrievighied in de steden, dichtbij consumenten en warknemers.

De loodgieter en elektricien moet heur bedrievighied in de stad of het darp kunnen hollen. Daornaost mut er ook ruimte wezen veur neie bedrievighied. Bievueurbiel deur goed beriekbare locaties an te wiezen veur ofhaalpunten van webwinkels.

Bestaonde bedrieven die oet wilt breiden moet daorveur de gelegenhied kriegen. Niet allent op bedrieventerreinen, maor juist ook op het plattelaand um de leefbaarhied en werkgelegenhied daor op piel te hollen. Op bedrieffsterreinen mut voldoende ruimte wezen veur verschillende bedrieven; ook in de hogere milieucategorieën.

Waar ondernemers zölf de verantwoordelijkheid nimt um bestaonde bedrieffslocaties te transformereren of bedrieffsterreinen te herstructureren, wil

wij dat de provincie Drenthe, samen met de gemeenten, met denkt om deze ontwikkelingen meugelijk te maken.

De VVD wil:

- leegstaonde kantoren of bedrieven neie functies geven. Een veurbield is het UWV-kantoor in Emmen dat verbouwd is tot een appartementencomplex
- dat Drenthe ruimte scheidt voor neie bedrievighied; bedrieven en consumenten bepaolt zölf welke keuzes zij maakt
- dat bedrieven niet allent op bedrieventerreinen de meugelijkhied kriegt um oet te breiden, maor ook op 't plattelaand. Daorbij moet rekening hollen worden met belangen vanoet de omgeving
- liever gien weidewinkels
- vestiging van omgeving-belastende bedrieven juist allent op daortoe bestemde bedrieventerreinen. Op dizze terreinen mut dan ook genog ruimte wezen veur bedrieven in een hoge milieucategorie
- dat rust, ruimte, natuur en landschap niet afschrikwekkend bint, maor juist oetneudigend um te wonen, te warken èn te investeren in economische activiteiten
- meer ruimte in de steden veur neie en bestaonde bedrieven
- veurrang aan revitalisering en herstructurering van bestaonde terreinen; boven de inrichting van neie terreinen
- dat de provincie en de gemeenten actief metdenkt. Ze moet niet belemmeren om functieveranderingen meugelijk te maken. Provincie en gemeenten moet handelen vanoet een 'ja, mits-holding'.

Limtige Binnensteden

Limtige binnensteden bint belangriek veur Drenthe. De markten bint gezellig en elke gemiente hef zien eigen evenementen zoas het TT-festival in Assen, C'est La Vie in Emmen, de Cascaderun in Hoogeveen en Dunderdag Meppeldag in Meppel. Dat is ook de aantrekkingskracht van Drenthe. Het is hier niet allent mooi um te wonen, maor ok mooi um te bezuiken. Maor.....het helpt niet als er veul leegstand is; dat probleem wilt wij anpakken. Daorum hef de provincie, met steun van de VVD, de RetailDeal sleuten. Daorin wordt leegstand terugdrungen. Dat kan deurdat panden met een winkelbestemming een aandere bestemming kriegt zoas een kantoor of een hoes. We vindt het belangriek dat de RetailDeal verder tot oetvoering komt. De provincie mut dit ondersteunen. Dat is goed, zowel veur de Drenten as de toeristen.

We zet in op sterke steden. Die bint ook van belang um voorzienings te verzörge veur de omgeving. Bovendien bint sterke steden goed veur de warkgelegenheid en veur de antrekkingskracht van Drenthe. Zo kunt dag-recreatieve meugelijkheden in de steden verbunden worden met meerdaagse toerisme in de regio.

Circulaire Economie

Circulaire economie giet over het fundamenteel anders organiseren van de economie. Producten moet heur weerde hollen of as 't kan meer weerde kriegten. As een product niet meer broekbaar is, kunt wij het repareren, hergebroeken of de grondstoffen terugwinnen. Een veurbield van circulaire economie in de praktijk is het bedrijf Koers in Hoogersmilde, dat afval verwerkt veur de anleg van o.a. fietspaden. Wat we normaal zult weggoaien kan nog een keer gebroekt worden en levert ook nog is neie weerde op.

Een aander veurbeeld is barmgras. Normaal wordt dat gecomposteerd of we geeft het as eten an de dieren. Drentea is een bedrijf in Emmen dat van barmgras bureaubladen maakt. Zo zörge ze der veur dat de reststoffen meer weerde kriegt.

Wij ziet grote kaansen in de circulaire economie. Veur ondernemers is het van groot belang um met te gruien in dizze ontwikkelings. Want de veurlopers van vandaag bint de winnaars van mörgen.

Veuroes is de circulaire economie een kwestie van: 'We gaot het gewoon doen' en niet eerst het produceren van een stapel rapporten.

Duurzame & Innovatieve Economie

In een circulaire economie staot Duurzaamheid & Innovatie hoog in 't vaandel. De VVD is ervan overtuugd dat Duurzaamheid & Innovatie de economie kunt versterken. Beveurbied deur in te zetten op de waterstofeconomie; een economie met waterstof as belangrijkste energiebron. Dit gef grote economische kansen voor de Regio Emmen (Emmtec terrein) en beveurbied veur bedrijven als Resato in Assen.

Ook het ontwikkelen van toepassingen veur het Internet of Things (IoT) is een goed veurbied van Innovatie & Duurzaamheid. Ze zörgt geliek veur een economische impuls. Wereldwiede maatschappelijke oetdagings, zoas verduurzaming, gezondheid en voedselveilighied vraogt um innovatie. In de bouw, de maakindustrie, de zörg of in het transport, overal ligt kaansen veur slimmere oplössings. Kaansen veur milieubewust ondernemen én het verhogen van de economische winst. We wilt innovaties in Drenthe stimuleren deur belemmerende regelgeving te verminderen en in te zetten op ienvoldiger procedures. Ook zet we in op een oetstekende digitale infrastructuur in hiel Drenthe um daormet innovatie, milieubewust ondernemen en start ups te faciliteren en te stimuleren.

Recreatie & Toerisme

Recreatie en Toerisme bint van deurslaggevend belang veur Drenthe. Op dit moment is 1 op de 9 banen te danken an de recreatiesector. In plattelandsgebieden lig dat ciefer nog hoger. In die gemienten levert Recreatie & Toerisme een grote bijdrage an de leefbaarhied en vitaliteit van het plattelaand. De ofgelopen jaoren hef de provincie terecht veurrang geven aan deze sector en bint er veul investerings daon, zoas het programma Vitale Vakantieparken. Wij vindt dat dit belied verder deurzet mut worden.

Dat de gebieden van Natuurnetwerk Nederland, en de nationale landschapsparken dichtbij ligt, gef oetgerekende kaansen veur de vestiging van dag- en verbliifsrecreatie. Undernemers kunt een belangrieke bijdrage leveren an de verbetering van de aantrekkelikhied van oeze provincie. Want hoe meer mènsen van oeze mooie Drenthe kunt genieten, hoe beter.

Veur wat betreft de VVD:

- natuurgebieden moet toegankelijk wezen én blieden veur recreanten
- attracties als Plopsaland, Drouwenerzand en Wildlands Adventure Zoo Emmen bint pijlers van de recreatie in Drenthe
- het huidige belied van Marketing Drenthe mut deurgaon
- een verdere oetbreiding van de gezamenlijke en permanente promotiecampagne veur Drenthe dit in samenwerking met gemienten, recreatiebedrieven, het overige bedrijfsleven en culturele instellingen
- Zeer zeker inzetten op fietsen, wandelen en peerdrieden. Dit bint veurbielden van activiteiten die in belangrieke maote bijdraagt an de vrijetijdsector.

Agrarische Sector

De agrarische sector is van groot economisch en landschappelijk belang voor Drenthe. Wij wilt dat de agrarische sector een speerpunt wordt van oes economisch beleid. De sector hef grote stappen zet as het giet um klimaat- en duurzaamheidsbeleid, deur minder mineralen en gewasbeschermings te gebroeken. We wilt de sector hier verder in stimuleren. Maar het mag niet ten koste gaon van de concurrentiepositie.

De VVD wilt:

- zwaor inzetten op kringloop-landbouw. Dit gef veul kaansen, umdat hier een prachtig gemengd grondgebruuk bestiet: akkerbouw, veeteelt zowel melkvee als kippen en varkens
 - ook extensieve bollenteelt
 - gebruik van reststromen stiet veurop. Wat inholdt dat eigen dierlijke mest meer gebruikt kan worden, um zo kunstmest te vervangen
 - agrarische ondernemersbelangen moet zwaor metwegen bij een keuze tussen bescharming van natuur of meuglukheden veur economische ontwikkeling
 - inzet veur behold en - waar meugelijk - versterking van de kracht van de agrarische economie
 - gien extra provinciale regels bovenop Haagse en Brusselse wetgeving
 - agrarische bedrijven met toekomstperspectief moet de ruimte kriegien. Letterlijk, maor zeker ook figuurlijk. Bieveurbied bedrijven die in de breedte wilt gruiien met activiteiten in de zörg, de recreatie of het landschapsbeheer.
- Waarbij wel geldt dat de agrarische meugelijkheden van angrenzende bedrijven hierdeur niet beparkt mucht worden.
- eisen an landbouwstallen moet worden beparkt tot landschappelijke inpassings en milieueffecten. De kwaliteit van de oetbreiding is belangrieker dan strak vasthollen an de bouwkaavelgrootte
 - de provincie mut zich niet bemuien met de keuze veur het type stal
 - een goeie landbouwstructuur is belangriek. Het instrument kavelruil bewis hierbij goeie diensten
 - meer aandacht veur kennisintensieve teelten, beveurbied precisielandbouw. Dat biedt kaansen veur economische grui en export van kennis
 - inzet op verdere ontwikkeling van de Bio Based Economy; een potentiële gruisector veur Drenthe
 - het ontwikkelen en ondersteunen van collectieven veur het oetvoeren van agrarisch natuurbeheer
 - ondernemerschap en creativiteit moet meer ruimte kriegien in de laand- en tuunbouw. Al was het allent maor um marktontwikkelingen en Europese regelgeving de kop te kunnen bieden.

VERKEER

Mobiliteit

Mobiliteit is een essentiële basisbehoefte. Veur de VVD is en blif beriekbaarheid een belangriek speerpunt, zowel op het plattelaand as in oeze darpen en steden.

We ziet een vermeerdering van het aantal vervoersbewegings en de verwachtings bint dat dat zich in de kommende jaoren verder deurzet. Vervoer giet niet allent over de weg, maor ook over het water, het spoor, deur de lucht en - niet te vergeten - de digitale snelweg. Mèensen wilt zich zo vrij meugelijk kunnen verplaotsen um naor heur wark of schoel te gaon. Maar ok um te recreëren, um aandere mèensen tegen te kommen of um heur kennis te vergroten. Een goeie beriekbaorheid is een randveurwaorde veur een goed vestigingsklimaot. We geeft grote veurrang an een snelle verbinding met de Randstad via het spoor maor ok op de rieksweg A28 bint verbeterings neudig. Daornaost wil wij het fietsen stimuleren deur verdere verbeterings an fietspaden um ze geschikt te maken veur elektrische fietsen.



Veur wat betreft de VVD:

- ▶ verkeer- en vervoerbelied holt niet op bij de provinciegrens. As Europese regio hef Drenthe goeie verbindings neudig met economische centra in Nederland en Europa. Dat geldt veur weginfrastructuur, spoorwegen, luchtverbindings en ICT-infrastructuur
- ▶ er mut in Drenthe een proefregio ingericht worden op het gebied van zelfriedende auto's. Dit kan in de toekomst belangriek wezen veur de beriekbaarhied in een dunbevolkte provincie as Drenthe
- ▶ blif daarom in Drenthe de auto het vervoermiddel dat op de eerste plek komt. Een goed onderhouden wegennet is daarbij neudzakelijk. Zo holdt wij Drenthe veilig en beriekbaar
- ▶ verkeersveilighied is topprioriteit. Dit deur het anleggen van rotondes, fietstunnels en het ongeliekvloers maken van o.a. de N34 (Hunebed Highway)
- ▶ de afgelopen jaoren is een eerste stap zet veur het verdubbelen van de N34. We wilt dit beleid verder deurzetten en het kruuspunt bij Gieten mut ongeliekvloers maakt worden
- ▶ de belangriekste verkeersaoder A28 is nou bij het Ministerie onder de aandacht. Wij wilt dat dizze op het traject Hoogeveen - Meppel 6-baons wordt, zeker tiedens de spits. Dit kan deur gebruik te maken van de vluchtstrook mut ongeliekvloers maakt worden
- ▶ hetzelfde geldt veur de A28 op het traject De Punt - Gruningen
- ▶ meer aandacht veur de deurstroming op Knooppunt Lankhorst en de verbreding van de A28 richting Amersfoort
- ▶ verdubbeling en opwaardering van de N381 (Emmen - Drachten)
- ▶ meer Drentse wegen vrijgeven veur langere en zwaordere vrachtwagencombinaties (LZV). Dit vermindert het aantal ritten, het is goed veur de luchtkwalitiet, er komt minder files deur en minder geluudshinder, zunder dat de verkeersveilighied in het geding komt
- ▶ openbaar vervoer op maat. We wilt neie vörms van openbaar vervoer in dunbevolkte gebieden. Beveurbield deur samenwerking tussen openbaar vervoer en doelgroepenvervoer
- ▶ snelle spoorverbinding vanof de Randstad naor Noord-Nederland blif veurrang hollen, ondanks het niet deurgaon van de Zuuderzeelien. We

wilt onderzoek naar mogelijkheden hoe de reistijd tussen Drenthe en de Randstad wezenlijk kan worden verkort

- ook de inzetten van snellere treinen, het opheffen of aanpassen van overwegen en meugelijke aandere aanpassings an het huidige netwerk/materieel
- verbetering en stimulering van het goederenvervoer per spoor hen Coevern en Emmen en vanoet Coevern naor Duutslan en Noord-Oost-Europa
- in 2022 mut er personenvervoer wezen over 't spoor tussen Emmen, Coevern en Rheine. deurdat er aansluiting is op het internationaal spoornet
- verbetering van het personenvervoer per spoor op de trajecten Emmen-Zwolle en Emmen-Twente

- deurgaon van de extra aandacht veur fietsgebruuk en fietspaden van de afgelopen jaoren. Drenthe is en mut fietsprovincie blieden
- extra veurrang voor bredere fietspaden, geschikt voor elektrische fietsen
- veilige woon/wark- en schoolroutes, zoas de fietssnelweg tussen Assen en Grunning en die tussen Meppel en Zwolle
- extra inzet veur de beroepsmatige en recreatieve skeepvaart
- betere voorverbinding IJsselmeer - Meppel, deur de voorweg dieper te maken. Hierdeur kunt ook grotere schepen gebruik maken van dizze vaorroute.

Groningen Airport Eelde

Groningen Airport Eelde (GAE) is belangrijk voor Noord-Nederland en draagt bij aan een goed vestigingsklimaat voor bedrijven. Het vliegveld is van groot belang voor zowel vakantie-reizen als voor zakelijke reizen naar binnen- en buitenland. Daarbij is Groningen Airport Eelde een kwaliteitsterrein voor de vestiging van hoogwaardige bedrijvigheid. Wij staan positief ten opzichte van mogelijkheden voor GAE om een voorbeeld te worden van een duurzame luchthaven, zowel in de wijze van aanvliegen (glijvluchten) als in het eigen energieverbruik. We vinden dat het vliegveld tijd verdient om zich te ontwikkelen. We vinden ook dat GAE een goede positie moet krijgen in de langetermijnvisie voor luchtvaart (Rijksluchtvaartnota 2020 - 2050).

Voor wat betreft de VVD:

- ▶ maakt de luchthaven onderdeel uit van de basisinfrastructuur en is het vliegveld essentieel voor de economische ontwikkeling van de regio
- ▶ is Groningen Airport Eelde niet weg te denken uit Drenthe. Voor zowel de bedrijvigheid als de recreatie en het toerisme
- ▶ wilt wij ons blijven inzetten voor een goede infrastructuur en een goede bereikbaarheid van het vliegveld met het openbaar vervoer
- ▶ ziet we kansen voor de verdere ontwikkeling en vernieuwing op het gebied van drones, de onbemande luchtvaart. Wij ondersteunt deze ontwikkeling
- ▶ wilt wij doorgaan met verdere gebiedsontwikkeling rond GAE: logistieke hub, ontwikkeling Rijksluchtvaartschool en Energielandgoed.

UMGEVING

Wonen

Wij wilt dat jong en old de gelegenheid kriegt um te bouwen en te wonen zoas ze dat zölf wilt. We geleuft niet in een strak deur de overheid gestuurde planning. De overheid mut ruimte laoten um neie wonings te bouwen en en ook um bestaonde gebouwen te renoveren of te herbestemmen.

We vindt het belangriek um hiel goed naor de markt te luusteren. Der mut bouwd worden waor vraog naor is. Maor dan wel zo, dat de wonings geschikt bint veur meerdere doelgroepen, zodat er ook in de toekomst nog vraog naor wezen zal. Ook wil wij dat er ruimte is veur aandere woonvörms zoas kinder die veur heur older wordende oolders wilt zörgen en daor hun hoes of kavel geschikt veur wilt maken. De provincie mut dat vergemakkelijken. Ook bint we veustander van het herbestemmen van leegstaonde panden um die dan, as veurbeeld, te gebroeken veur olderenzörg.

Veur wonings op vekaansieparken waor gien of onvoldoende oetzicht meer is as recreatie-wonings, is functieverandering naor wonen een meugelijkhied. Per (diel van) het park mut keken worden welke bestemming passend is. We vindt dat bij dizze oetwarking de eigenaren zölf saomen met de gemiente aan zet bint. De provincie helpt ze daorbijj. Wonings bouwen waor vraog naor is, en die in de toekomst ok geschikt (te maken) bint veur aandere doelgroepen. Het herbestemmen van panden en neie woonvörms vindt wij een goeie ontwikkeling. De provincie mut het herbestemmen van vekaansieverblieven overlaoten an de gemiente.

Energie

De veuraod fossiele brandstoffen raakt op. Ook wilt wij minder ofhankelijk wezen van sommige energie-exporterende lannen.

Bovendien wilt wij stoppen met de winning van Grunnings aardgas.

Veur oes bint dit zwaorwegende reden um vol in te zetten op energietransitie.

Energiebesparing is de beste vörm van duurzame energie.

De provincie stimuleert waor het kan, zoas beveurbied het hergebruik van warmte (Attero Wijster, Emmtec-terrein).

Zunne-energie

Wij vindt dat in eerste instantie zoveel mogelijk daaken gebroekt moet worden veur het plaotsen van zunnepanelen. Dit kan de provincie meer stimuleren. Veur opstellingen op de grond vindt we dat er allereerst zöcht mut worden naor industrieterreinen, stöortplaotsen, enzovoorts. Dan gao we kieken naor combinaties met aandere functies zoas boven waterbargings. Een goeie landschappelijke inpassing is hierbij ook van belang.

We staot kritisch ten opzichte van het opofferen van vruchtbare landbouwgrond um daor zunne-akkers te plaotsen. Wanneer dit grote vörms zul annimen in oeze provincie, dan zul oes landschap een grootschaolige industriële anblick kriegen. Wij vindt dat niet passend veur Drenthe. Daorbij geldt ok, dat dit gevolgen zul kunnen hebben veur het langer bestaon van verwerkende fabrieken zoas Avebe (eerpels) en Sukerunie (sukerbieten). Wij wilt dizze industrieën graag hollen in oeze regio.

Windenergie

Over de aanleg van 285,5 Megawatt an windenergie op laand bint de ofgelopen jaoren ofspraoken maakt met het Riek. Wij holdt oes an dizze ofspraoken. Maor we wilt hier bovenop gien extra grootschalige windparken in oeze provincie. Wel ziet we meugelekheden veur lokale initiatieven, die met steun van de gemienteraod en van umwonenden een paor windmeulens op laand gaot bijbouwen. De toekomst veur grote windparken ziet wij daorentegen op zee.

Energie & Innovatie

We wilt in Drenthe een proeftuun maken veur neie energiesystemen. Veur neie concepten en technologieën op het gebied van energie-opwekking en energie-distributie. Waor we de neiste inzichten in de praktijk en in onderlinge samenwerking kunt oetproberen, inclusief gedragsonderzoek en welke wetten en regels angepasst moet worden.

Veur wat betreft de VVD:

- De Drentse Energie Organisatie (DEO) speelt een belangrieke rol bij de energietransitie, net zo as de green deals
- Lokale energiecoöperaties kunt een sleutelrol vervullen in de energietransitie
- Wij bint veur gelieke behandeling van mijnbouwschade in Drenthe. Volgens het Gruninger-protocol
- De opslag van radioactief afval in de Drentse bodem is onacceptabel. Dit geldt ok veur de winning van schaliegas

Vitaal Plattelaand

Wij bint van miening dat oes mooie Drèentse plattelaand vitaal en interessant mut blieven. Doorveur mut er genug warkgeleghied wezen en kaansen veur die dat wil. De veurzienings die er bint moet goed beriekbaar wezen. Het veurtouw nemen deur bewoners, kan het dörp leefbaor hollen. Wat dat inhold, is veur elke inwoner en veur elk dörp weer aans. De provinciale overheid mut daarbij helpen. Ondersteun plaotselieke initiatieven, beveurbield tegen verpaupering van leegstaonde gebouwen. Een mooi veurbield hiervan is het project "Grolloo zorgt" in Grolloo. Hier is een projectgroep, saomen met de vereniging van dörpsbelangen en de eigenaar van een leegstaonde boerderij, bezig um appartementen veur olderen te realiseren in het dörp.

Krimp en vergriezing bint in sommige plattelaandsgebieden an de orde. Het is onmeugelijk um daar in alle dörpen de huidige veurzienings in stand te hollen. Maor dat is ook niet neudig. De VVD zet in op kaansen, wark, een schiere woonumgeving en een goeie beriekbaorhied van voorzienings op het Drentse plattelaand.

In kleinere gemienschappen is het vaak mooi um een plek te hebben waor ie mekaar ontmoet. Dit kan een kerk wezen of een dörpshoes, een schoel of een café. De provincie mut niet beparken en belemmeren maor juist metdenken, umarmen, activeren, politieke moed tonen en experimenten ondersteunen. Waorbij wel geldt, dat oeteindelijk een initiatief op eigen bieten mut staon kunnen.

Wij vindt het goed um te zien dat al meer inwoners van Drenthe beschikt over snel internet. De verschillende briedbaand initiatieven kunt reken op briede steun van vrijwilligers vanuit de lokale bevolking. Veur inwoners kan snel internet niet

mist worden. Denk daarbij o.a. an olderen die 'zörg op ofstand' met beveurbield beeldcommunicatie wilt hebben. Doordeur wordt meer contact onderhollen met familie en vrienden en kunt oderen langer thoes bliieven wonen. Of jongeren, die al meer vanoet hoes warkt of studeert. Ook veur recreatiebedrijven en agrarische bedriieven is snel internet van groot belang. Wij wilt dat briedband initiatieven goed wordt ondersteund.

Veur wat betreft de VVD:

- Veur een vitaal plattelaand is warkgelegenheid en een goeie leef- en woonomgeving in de regio onontbeerlijk
- Wij wilt dat de provincie actief dörpsinitiatieven ondersteunt. Het mut daarbij gaon um initiatieven waarbij een bovenlokale anpak op grotere schaal van meerweerde is
- De provincie warkt nauw samen met de gemienten. De regie veur de ontwikkeling van de dörpen lig bij de betreffende gemiente
- De stimulering kan bestaon oet het versoepelen van regels en toestaon van experimenten. Maar ook deur met ienmalige financiële ondersteuning zaken meugelijk te maken
- Hierdeur kunt beeldebepaolende panden een neie functie kriegen. Met een haalbare exploitatie voor de ondernemer
- Wij vindt dat elke inwoner van Drenthe mut kunnen beschikken over snel internet.
- Wij wilt dat elke inwoner van Drenthe goed (mobiel) beriekbaar is
- We wilt alternatieve vörms van vervoer op het plattelaand ondersteunen. Denk aan het combineren van verschillende publieke diensten en/of an particuliere- en dörpsinitiatieven.

Natuur & Landschap

Landbouw, natuur, recreatie en toerisme bint hoofdgebroekers van het Drèentse laandschap. Warkbare oplossings vereist creatief en multifunctioneel ruimtegebroek met respect veur mekaars doelstellingen. Wij vindt dat er een goeie balans mut wezen tussen bescharmèn, beleven en benutten van de natuur. Vanaf 1990 wordt er warkt an de tot stand komming van het Natuur Netwerk Nederland. Dat mut oetgruien tot een strook van aningesleuten natuurgebieden, waordeur dieren en planten zich goed kunt verspreiden. Vanof 2014 bint de provincies verantwoordelijk veur de tot stand koming hiervan. Het NNN mut uuterlijk in 2027 klaar wezen. Wij steunt dizze ontwikkeling.

Veur wat betreft de VVD:

- We bint trots op de Drèentse natuur. De grotere natuurgebieden moet koesterd worden
- Wij vindt dat in Drenthe te veul Natura 2000-gebieden (underdiel van het NNN) bint angewezen. Het is van belang dat economie en ecologie in evenwicht bracht wordt. Deur de veule, kleine gebieden dreigt versnippering
- Ten aanzien van de Programmatische Aanpak Stikstof (PAS) vindt we dat agrarische bedrieven zich moet kunnen blieven ontwikkelen
- Wij wilt zakelijk umgaon met de oetvoering van oes natuurbeleid en gien extra natuurdoelen stellen bovenop Haagse- en Brusselse regels
- We bint veurstander van meer particulier natuurbeheer
- Ofspraken over beheer en onderhoud van landschap en water moet veur langere perioden ofsleuten worden, zodat agrariërs daarop heur bedrijfsvoering kunt ofstemmen
- Wij wilt natuur waor mènsen van kunt genieten. Natuurgebieden moet open steld worden veur verschillende gebroekers en bezoekers. Dit is ok van groot belang veur de recreatie & toerisme
- We wilt maximale ondersteuning bieden bij de bestrieding van dieren die grote overlast veroorzaakt. As veurbield nuum wij stienmarters, gaanzen en vossen
- Wij bint veur het behold van weidevogels in oens laandschap en kiest daarbij veur een integrale anpak

- ▶ We volgt de ontwikkeling met betrekking tot de wolf in Drenthe op de voet. De afgelopen jaoren bint al een paar in het wild levende wolven zien. De kommende jaoren zult we zeker te maken kriegen met meer zwavende wolven in oeze provincie. Ze zult preberen zich hier ook te vestigen. De wolf is een bescharmde diersoort en hierin zult wij de Europese regelgeving blieven volgen
- ▶ Een actieve campagne over het wel en wee van de wolf is een middel um oeze inwoners te informeren. Wij wilt dat de provincie preventieve maatregelen ondersteunt en zorgt voor een goeie schade ofhandeling
- ▶ We bint gien veurstander van het toelaoten van groot wild en tegenstander van het toelaoten van wilde zwienen in de provincie Drenthe. Allent under goeie randveurwaarden is een proef

- met groot wild, oetgezunderd het wilde zwien, bespreekbaar. Die randveurwaarden bint een geschikte schaderegeling, beheersplan en een goed plan veur de verkeerveilighied
- ▶ De provincie verschaft ontheffingen/vrijstellingen veur wildbeheer. Ter veurkomming en bestrieding van schade an gewassen, vee, bossen, flora, fauna en de volksgezondheid. Zo ook veur de instandholding van de openbare veilighied en de veilighied van (vlieg)verkeer. Wij vindt dit een belangrieke taak van de provincie en we wilt metwarking verlienen an het ofgeven van provinciale ontheffingen of vrijstellingen
- ▶ Wij vindt dat de FBE (Fauna Beheer Eenheid) een belangrieke taak mut hebben bij het beheer van de fauna.

Water

Water is veur de VVD ien van de pijlers van een goeie ruimtelijke ordening. Water hef daornaost een directe relatie met veiligheid, natuurbeheer, landbouw en drinkwaterbereiding. In Drenthe beheert de veer waterschappen het oppervlakte- en grondwater. Ze bint verantwoordelijk veur genog en schoon oppervlaktewater, ze veurkomt wateroverlast en zuuvert oes ofvalwater in de rioolwaterzuiveringsinstallaties.

De Europese regelgeving dwingt oes niet allent al maor kritischer te kieken naor de waterkwantiteit maor ok naor de waterkwaliteit. In 2027 mut de hiele waterklus klaar wezen. Gien overstromings meer, gien verdreuging op angewezen plaotsen en genog gezond en schoon grond- en oppervlaktewater. Ien en aander volgens de Kaderrichtlijn Water en toetst an de maatstaf 'Haalbaar & Betaalbaar'.

Veur wat betreft de VVD:

- Wij bepleit een multifunctionele anpak bij beheer en onderhoud van het laandschap
- We bint veurstander van waterbeheer waarin rekening hollen wordt met de belangen van landbouw, veilighied en natuur
- Stukken die in de afgelopen periode inricht bint as grootschalig landbouwgebied mucht niet weer umvörmde worden tot gebieden met een aandere functiebestemming beveurbied as verbindingszone of als waterbargingsgebied
- We pleit veur onderzoek naor waterbargingsgebieden um te bepaolen hoe dizzen inzet kunt worden bij dreuge perioden.

Milieu

We vindt het belangriek um goed um te gaon met het milieu. Dat is ok van belang veur oeze kinderen en kleinkinderen. Wij vindt dat vervoeling bij de bron anpakt moet worden. Veul ofval is eigenlijk gien ofval meer, maor een grondstof veur neie producten. Dankzij hergebroek bint er minder grondstoffen neudig. Dat is goed veur het milieu. Wij wilt daorum zo veul meugelijk an hergebroek doen en belemmeringen wegnimmen.

Maor milieubeleid kan allent succesvol wezen as elk en ien zien of heur verantwoordelijkhied nimt. Bewustwording is van wezenlijk belang. Veur oes mut de provincie daor een belangrieke veurtrekkersrol in speulen. Milieuvraagstukken en milieuoplossings - zowel in oetvoering as in belied - maakt vanzölfsprekend een onderdeel oet van alle beliedsterreinen.

Veur wat betreft de VVD:

- ▶ Wij vindt dat de provincie Drenthe regelingen mut op stellen in opbouwend overleg met het bedrijfsleven, gemienten, de waterschappen en het Riek. Een ieder met behold van de eigen verantwoordelijkhieden
- ▶ Vergunningverlening en handhaving mut zo effectief en efficiënt meugelijk plaots vinden
- ▶ We wilt vergunnings, die niet verder beparkt bint dan de landelijke wet- en regelgeving.

KUNST & CULTUUR

Podiumkunsten

Culturele voorzienings bint belangrijk veur inwoners van Drenthe. Cultuur gef het leven kleur en opent de ogen veur aandere gezichtspunten. Het vörmt ok een belangrijke vestigingsfactor veur toekomstige Drenten. Wij vindt een bried aanbod van cultuur daarom van groot belang.

Deur zien mooie omgeving onderscheidt Drenthe zich met locatietheater zoas de PeerGrouP, het Shakespeare Theater in Diever en ok particuliere initiatieven. Verder festivals zoas beveurbied het Bluesfestival, RetroPop, Grachtenfestival, TT-festival en FestiValderAa. Maor ok met evenementen zoals de Etsstoeldag in Anloo.

Het bint leegdrempelige cultuurbelevings en een aanwinst veur het toerisme. Ok een aanwinst bint de grootschalige producties zoas het Pauperparadijs, waarveur mènsen oet het hiele laand naor Drenthe kwamen.

Wij wilt stimuleren dat jaarlijks zun theaterspektakel in Drenthe hollen wordt.

Op het gebied van Jeugdtheater kan Drenthe zich onderscheiden met as veurbied Garage TDI.

De afgelopen periode is inzet op stimulering van de popcultuur in Drenthe, gericht op 12+ jongeren en talentontwikkeling. Eind 2021 löp dit programma of. We wilt dit dan evalueren en bij een positief resultaat graag er met deurgaon. Want het ontwikkelen van cultureel talent mut ondersteund worden.

Er bint meerdere orkesten die zich op Drenthe richt zoas het Veenkoloniaal Symfonie orkest. De provincie steunt projecten van dizze orkesten en wat oes betreft, moet we dat ook blieven doen.

Veur wat betreft de VVD:

- We draagt producties op locatie zoas de het Pauperparadijs, Welstaat, Jumping Jack en De zaak Vermaning een warm hart toe. Wij vindt dat locatietheater, jeugdtheater en de popcultuur een prominente plek verdient in de provinciale cultuurnota
- We bepleit een goeie culturele infrastructuur veur Drenthe. Een samenhangend aanbod van culturele voorzienings
- Talentontwikkeling van jongeren mut ondersteund worden
- We willen geern een jaarlijks groot theaterspektakel met landelijke oetstraling dat past bij (het verhaal van) Drenthe.

Arfgoed

De VVD is bliede met de gruiende belangstelling veur cultuur en historie binnen oeze provincie. Oeze monumenten moet goed onderhollen worden, zodat ok de toekomstige inwoners en bezoekers van Drenthe er van kunt genieten en dat zodoende de geschiedenis opnei beleefd kan worden. Daorbij wilt we het verhaal dat bij de monumenten heurt meer oetdragen en zo extra toeristen naor oeze provincie halen. Een goed veurbield daarvan bint de ontwikkelings in Frederiksoord, Wilhelminaoord en Veenhuizen: de Koloniën van Weldadigheid. Een onvergelielijke geschiedenis in een onvergelielijc gebied, dat oeze steun meer dan verdient. We hoopt en verwacht dat dizze Koloniën in 2019 in anmerking komt veur de Wereld Erfgoed-status van Unesco.

Drenthe is de provincie van de hunebedden. Daor bint wij als VVD trots op. Wij wilt dat dizze monumenten goed toegankelijk bint veur elk en ien. En van oes mug ie der ook best op klimmen.

Oeze provincie is onvergelielijc deur zien bodemgesteldhied en archeologie. Het Geopark de Hondsrug maakt dat zichtbaar.

De Hunebed Highway is in 2018 start als een speulse actie, maor zul wat oes betreft nou verder oetbouwd worden moeten. De overhied kan zörgen veur borden bij de Highway, zodat de toeristen de hunebedden en aandere monumenten die de muite weerd bint um bekeken te worden goed weten te vinden. En de ondernemers kunt meer attracties en arrangementen ontwikkelen, zodat er veur de toerist meer te beleven valt.

Veur wat betreft de VVD:

- ▶ Oes cultureel erfgoed, inclusief het Nedersaksisch als streektaal, verdient provinciale steun
- ▶ Wij ondersteunt de organisaties en ondernemers die het verhaal van de Koloniën van Weldadigheid brieder inkleurt en brieder oetdraagt en ook zij die het recreatief-toeristisch product verder oetbouwt. De VVD zöt de toevoeging van de Koloniën van Weldadigheid aan de UNESCO Wereld Erfgoedlijst as grote kaans veur het gebied
- ▶ Wij steunt het Geopark de Hondsrug en stimuleert de ontwikkelings rond de Hunebed Highway.

Musea

Het Drents Museum ontwikkelt zich volop. Met regelmaat wordt spraakmakende exposities naar Drenthe haald. Het Museum is intussen ien van de topmusea van Nederland en trekt bijna 200.000 bezoekers per jaar. Wij vindt het een merakels goeie prestatie van dit museum, en ondersteunt de ontwikkelings van harte.

Museums as het Hunebedcentrum, Herinneringscentrum Kamp Westerbork en het Gevangenismuseum maakt een actieve beleving van de geschiedenis aantrekkelijk zowel veur oeze eigen inwoners as de bezoekers van boeten.

Met eigen- en aandere middelen en met hulp van de provincie moet ze regelmatig heur presentatie aanpassen um interessant en oetdagend te blieven veur het publiek. De Buitenplaats - museum, tuin en erfgoedlocatie - ontwikkelt zich aal meer tot een beeldbepalend complex. Dizze museums acht de VVD van belang veur de provincie en zij hebt oeze steun.

Veur wat betreft de VVD:

- › De musea van provinciaal, landelijk en ook van internationaal belang verdient provinciale steun: het Drents Museum, Hunebedcentrum, Herinneringscentrum Kamp Westerbork, Gevangenismuseum en De Buitenplaats
- › Wij staot in begunsel positief tegenover financiële steun veur bezondere tentoonstellings. Zeker as daarvan een flinke economisch gunstig gevolg te verwachten valt.

Publieksberiek & Financiering

Net as in het nationale beleid wilt wij dat gesubsidieerde culturele instellings of evenementen een groter publieksberiek trekt. Wij wilt ook, dat de cultuursector, waar meuglijk, meer op iegen bienen komt te staon. Dat betiekt dat de instellings zölf ok alles op alles moet zetten um inkomsten in te winnen, zodat ze minder ofhankelijk wordt van overhiedssubsidies. Dat bevordert cultureel ondernemerschap.

We wilt dat gesubsidieerde culturele instellings een belangriek diel van heur inkomsten zölf verdient.

Regionale Omroep

We hecht grote waarde aan een onafhankelijke regionale omroep. Die voor u een bijzonder eigen regionale programmering heeft van hoge kwaliteit. U kunt de omroep door haar programmering (online en via radio en televisie) een bijdrage leveren aan de versterking van de economie, recreatie en toerisme. Deze media heeft daarbij een belangrijke functie als rampenzender bij calamiteiten.

Wat betreft de VVD:

- We wilt dat de journalistieke vrijheid van de Regionale Omroep gegarandeerd is en blijft
- We bint voorstander van het benutten van samenwerkingsmogelijkheden tussen regionale omroepen waarbij het gaat om zaken als techniek, backoffice en personele ondersteuning.
- De programmering houdt we graag Drents.



WELZIJN

Welzijn umvat een briede weier van aspecten die kunt worden weergeven in de term 'kwaliteit van leven'. Welzijn hef een duudelijke relatie met de kwaliteit van de regionale economie. Maor welzijn betreft ok de maote waarin de behoefte aan immateriële zaken wordt invuld. Daorbij kan as veurbield dacht worden aan onderwarpen als veiligheid, zörg, sport en onderwies.

Veiligheid

Welzijn en veilighied bint nauw met mekaar verbunden. Wij bint van miening dat veilighied ien van de belangriekste taken van de overheid is. Veilighied en vrijhied heurt bij mekaar. De provincie Drenthe is ien van de veiligste provincies van Nederland. En dat mut zo blieven. Een veilige omgeving drag bij an een goed woon- en vestigingsklimaot. Hoewel veiligheid in de eerste plaots een zaak is van gemienten en veilighiedsregio's, wilt wij dat de provincie zich inzet veur het behold en vergroten van de veilighied van de Drèentse inwoners. De provincie döt dit deur actief te overleggen met het RIEC (Regionaal informatie- en expertise Centrum voor Criminaliteitspreventie en Veiligheid). Verder deur, in overleg met het RIEC en met betrökken gemienten, of te stemmen welke maatregelen nommen moet worden um undermiening tegen te gaon en daorbij veural te kommen tot een veiliger boetengebied.

Underwies & Arbeidsmarkt

Goed onderwies is de beste garaantie veur economische grui in de toekomst. Het is de basis veur een krachtige, vitale en zelfredzame samenleving. Hoewel de provincie gien direct oetvoerbare taak hef in de relatie tussen onderwies en bedrijfsleven, is er wel ruimte veur een dienstverlienende en anfieterende rol. Underwijs en beroepspraktijk sluit niet genug op mekaar an. Wij bint veurstander van het intensiever samenwarken wat er toe doen mut dat onderwijsinstellingen meer zicht kriegt op de dudelijke vraogen vanuit een sterk veranderende beroepspraktiek. Verder bint wij er veurstander van dat, in naoberschap, kant en klaore plannen wordt ontwikkeld die richt bint op het vergroten van de anmeldings veur technische vakopleidingen zoas installatietechniek en opleidingen op het gebied van bieveurbield zörg en logistiek.

Veur wat betreft de VVD:

- ▶ Wij staot veur het verstarcken van het HBO- en Wetenschappelijk Onderwijs in Drenthe. Met name waor dit de regionale economie kan verstarcken
- ▶ Initiatieven die richt bint op het verbrieden van het opleidingsaanbod kriegt van oes alle steun. Maor dan moet die neie opleidings aansluiten op vraogen vanoet de arbeidsmarkt
- ▶ We blijft alert op een goeie spreiding van het onderwijs over de provincie. Net zo as de toegankelijkhied veur elk en ien
- ▶ MBO-onderwijs op redelijke reisofstand mut garandeerd kunnen worden
- ▶ We ondersteunt het Techniekpact Noord met as doel meer mènsen an de slag in de technische sector
- ▶ We underkent dat leeggeletterdhied een grote belemmering vörmt veur een volwaardige arbeidsandiel. In Drenthe hebt zu'n 50-doezend mènsen muite met lezen en schrieven. Dat is meer dan 10% van de totale Drèense bevolking
- ▶ We wilt onderwijs, warkgevers en overige arbeidsmarktpartijen ondersteunen bij het opstellen en oetvoeren van een actieplan dat warkelijk verbeterings gef
- ▶ Daorbij wilt wij de digitale belezenheid en handigheid bevorderen. Mènsen die beschikt over genog digitale vaardigheid hebt meer kaans op de arbeidsmarkt
- ▶ We ondersteunt initiatieven die richt bint op arbeidsdielname veur mènsen die op dit moment wat verder van de arbeidsmarkt ofstaot
- ▶ De arbeidsmarkt in Niedersachsen (Duitsland) biedt meuglijkheden veur mènsen zunder wark in oeze provincie. Ze moet dan wel goed Duuts kunnen praoten. Daorum vindt wij dat het onderwijs hierop inspeulen mut. Dat veur zowel jongeren as herintreders
- ▶ Bij het inregelen van openbaar vervoer-veurzienings en de anleg en het onderhoud van fietspaden is beriekbaarhied van onderwijsveurzienings veur de provincie een zwaorwegende factor.

Zörg

Goeie zörgveurzienings die ansluut bij de behoefte van inwoners bint belangriek veur oeze provincie. De afgelopen jaoren is de inrichting van de zörgveurzienings an het veraandern. Hoog-ingewikkelde zörg wordt meer op ien punt gericht anbeuden in de grootste ziekenhoezen en veul veurkommende zörg wordt dichterbij hoes organiseerd in de poliklinieken van streekziekenhoezen en bij plaotselijke hoesartsen- en gezondheidscentra. Dizze beweging komt de kwaliteit van de zörg ten goede. Allent as de beschikbaarheid en de beriekbaarheid garandeerd kunt worden.

In Drenthe is de veraandering start maor nog hef zeker nog gien vast vörmen annomen. Wij vindt het van groot belang dat beschikbaarheid en beriekbaarheid alle aandacht kriegt in oeze provincie met zien lege bevolkingsdichtheid. Wij roept dan ok de verantwoordelijke zörganbieders, zörgverzekeraars en het Riek op om meer oog te hebben veur de situatie in plattelaandsgebieden. Ok vraog wij heur aandacht veur het opleiden van meer zörgpersoneel en de toepassing van e-health.

Olderen blijft aal langer thoes wonen. Veur heur is een goeie wiekverpleging van belang. As thoes wonen niet meer giet, dan moet olderen kunnen wonen in een woon-zörg voorziening. In Drenthe zie we aal meer initiatieven veur kleinschalige woon-zörg centra. Wij juicht dit toe, umdat die veur veul olderen een geschikte woonomgeving biedt. Combinaties met aandere veurzienings in het dörp (bibliotheek, dörpshoezen, ontmoetingsplekken) biedt kaansen. Veur mènensen met ernstige, vaak blievende aandoenings moet verpleeghoezen beschikbaar wezen en blieven, in de steden en grotere kernen. Wij stimuleert zörginnovatie, beveurbield op het terrein van zörg op ofstand en zörg met behulp van een robot.



Bibliotheken

Technologische ontwikkelings, neie (sociale) media en veraanderende wiezen waarop mènsen informatie tot zich nimt, brengt in de toekomst belangrieke veraanderings met zich met in de traditionele rol van de bibliotheken. De bibliotheken moet zich anpassen aan dizze ontwikkelings.

Sport

Drenthe hef genug ruimte veur beweging. Sport en beweging bint belangrieke steunpilaren veur de bevordering van sociale ontwikkeling en van vitaliteit en gezondheid. Zij draagt o.a. bij aan een gezonde wieze van leven en an het tegengaon van overgewicht. De provincie Drenthe döt met in het 'Nationaal Sportakkoord'. Dit Sportakkoord kent as belangriekste thema's:

- Elke Drent mut plezier kunnen beleven an sport, ongeacht welke belemmeringen dan ook.
- Duurzame sportinfrastructuur; veur het einde van 2019 moet alle sportverenigings benaderd en hölpn wezen bij het energieneutraal maken van heur sportaccommodaties.
- Dat ie je goed kunt bewegen is ok van belang voor een goeie sociale- en denk ontwikkeling van oeze inwoners.
- As wij een samenleving wilt die niet veur de zeszes-cultuur giet, maor ok heur talent wil ontplooiën, dan wil wij dat bried in de samenleving umarmen. Met het ontplooiën van sporttalent schep wij aansprekende rolmodellen. Zij laot zien wat bereikt kan worden deur veul te investeren in het ontwikkelen van talent.

Veur wat betreft de VVD:

➤ Wij underkent het belang van zowel topsport als breedtesport. Maor daarbij moet wel een heldere verdeling van verantwoordelijkheden in het oog hollen worden. Breedtesport is veural het terrein van de gemienten. De provincie richt zich op het ondersteunen van grote topsportevenementen

➤ Grote sportevenementen met een maatschappelijke en economische gewin kunt reken op steun van de VVD. Drenthe hef intussen een traditie en goeie naam opbouwd met de organisatie van grote sportevenementen veur gehandicapten. Wij bint daor een grote veurstander van

- Wij ondersteunt hiel graag de gooiën die daon wordt um de F1 naor het TT-circuit te halen
- Grote sportevenementen met een maatschappelijke en economische gewin kunt reken op steun van de VVD. Drenthe hef intussen een traditie en goeie naam opbouwd met de organisatie van grote sportevenementen veur gehandicapten. Wij bint daor een grote veurstander van
- 64% van de inwoners van Drenthe

wandelt. Bij de inrichting van het boetengebied vindt wij het belangriek dat rekening hollen wordt met een veilige en aantrekkelijke veurzienings veur wandelaars

- De meugelijkheden die de ruimte in Drenthe hef op het gebied van buitensporten kan as toeristisch product verder ontwikkeld worden. As veurbield het fietsen tegen de VAM-barg op en de deurontwikkeling van routes veur peerdrieders.

Jongeren

Veur wat betreft de VVD:

- Wij vindt dat jongeren speciale aandacht verdient
- Jongeren bint belangriek veur Drenthe en moet meugelijkheden kriegën um zich te ontwikkelen
- Jongeren hebt recht op kwalitatief goeie scholing. Scholing die ook nog ies opleidt veur een sector waarin wark te vinden is
- Daarom is de VVD groot veurstander van HBO- en MBO-schoelen in Drenthe. schoelen die opleidt tot warkkrachten waor vraog naor is
- Bedrijfsscholen, scholen veur veurgezet onderwijs waor ook de slimmere kinder heur kans kriegt en aandere vörms van onderwijs die de kaansen op een baon groter maakt, hebt oeze steun

- Wij vindt het belangriek dat er in Drenthe goeie en aantrekkelijke oetgaons→mogelijkheden veur de jeugd bint
- We zet oes ook in veur veiligheid veur jongeren. We wilt veilige routes van en naor school en veilige oetgaonsgebieden
- We wilt dat er meer ruimte komt um starterswoningen te bouwen waor vraog naor is. Het mut veur jongeren meugelijk wezen um in heur iegen dörp een betaalbare woning te kunnen kopen of huren
- In die hoezen mut het meugelijk wezen um ansleuten te worden op snel internet; as veurbield veur het leren en wark.

Olderen

Het aantal 50-plussers in oeze provincie is ongeveer 226.000. Dat is 46% van de hiele Drentse bevolking. De veuroetzichten veur de kommende jaoren bint dat dat percentage hoger zal worden en dat ofzet tegen een dalende totale bevolking.

Veur wat betreft de VVD:

- Wij vindt het belangriek dat olderen in oeze provincie aordig wonen kunt met daarbij een hoge kwaliteit van leven
- Veurzienings veur ouderen op het gebied van o.a. wonen, beweeglijkheid, schoeling en zörg moet op peil wezen
- Olderen moet volop met kunnen blieden doen in de samenleving
- We bint veurstander van de bouw van levensloop-bestendige hoezen
- Wij wilt ook dat er ruimte is voor andere woonvörms. As veurbied as er kinder bint die veur heur oulder wordende olders wilt zörgen en daorveur heur hoes wilt oetbreien of van een anbouw wilt veurzien
- De kommende veur jaor kriegt fietspaden en wandelroutes extra aandacht. Veurrang veur bredere fietspaden, geschikt voor elektrische fietsen en veilige en aantrekkelijke wandel- en fietsroutes
- We maakt oes sterk veur openbaar vervoer op maat. As veurbied deur samenwerking tussen openbaar vervoer en doelgroepenvervoer
- We wilt dat olderen over meugelijkheden beschikt um zich deur schoeling te ontwikkelen en op dizze wieze antrekkelijk blijft veur de arbeidsmarkt. vervoer en doelgroepenvervoer

BESTUUR

De provincie is er niet veur zukzölf, maor veur de inwoners van Drenthe. De VVD stiet veur een provincie die veuroet kik, regisseert, verbindt en faciliteert. Die samen met heur partners investeert in de toekomst van Drenthe. De provincie is een belangrieke schakel tussen gemienten, Riek en Europa.

De provincie mut zich richten op heur zeuven kerntaken.

Kerntaken

- › Duurzame ruimtelijke ontwikkeling
- › Waterbeheer
- › Milieu, Energie & Klimaat
- › Vitaal plattelaand
- › Natuurbeheer & Ontwikkeling Natuurgebieden
- › Regionale bereikbaarheid en regionaal openbaar vervoer
- › Regionale economie
- › Culturele infrastructuur en monumentenzörg
- › Kwaliteit van het openbaar bestuur
- › Noordelijke Samenwarking

Veur wat betreft de VVD:

- › Wij bint veur een kleine, compacte overhied. Dat geldt ok veur de provincie
- › We wilt deurgaon met de intensieve en daodkrachtige saomenwarking met de Drentse gemienten. Daorbij mut elk zien iegen verantwoordelijkheid hollen
- › Gemienten hebt de letste jaoren al meer taken der bij kiregen. Het blef dus daorum belangriek dat de provincie goed toezicht holdt op deugelieke overhiedsfinanciën en goed bestuur bij de gemiente
- › As het bij de gemiente niet goed löp, markt de inwoner daarvan de oetwarkings. Deur tiedig in te griepen, kan de provincie dit veurkommen
- › We bint veurstander van natuurlijke saomenwarkingsverbanden, waarbij provinciegrenzen gien belemmering veur die saomenwarking mucht vörmen
- › Die organisaties moet zo verdielig meugelijk ingericht worden. Wij bint veur verdere saomenwarking met Grunnen, Friesland en Overiessel

- We wilt de samenwerking met aangrenzende regio's, waaronder Duitsland (Niedersachsen), versterken
- We benadrukt het belang van een noordelijke samenwerking. As krachtige regio in de opstelling richting Den Haag en veural Brussel. Samenwerking met aandere regio's in Europa is sterk neudig
- We bint slim veurstander van een kleinere, actievere en veural meer snel handelende overhied
- Burgers en bedrieven moet kunnen reken op snelle reactie en besluitvörming van de provincie. Digitale meugelukheden moet zoveel meugelijk benut worden
- De provincie döt zien best veur een veilige en betrouwbare digitale overhied. De provincie zörgt er veur dat de ICT (hard- en software) bij de tied is en dat de digitale persoonlijke levenssfeer van inwoners, bedrieven en instellings gegarendeerd is
- Wij wilt bij aanbestedings zo veul meugelijk regionale bedrieven een kaans geven. Daarbij wilt wij dat bij aanbestedings meer aandacht is veur innovatieve en duurzame oplossings.

Europa

De Europese Unie hef een aal grotere invloed op de provinciale beliedsterreinen. Um daodwarkelijk invloed oet te kunnen oefenen is het van belang dat wij as Noord-Nederland gezamenlijk optrekt. Dat doe wij beveurbield al in het Samenwerkingsverband Noord-Nederland (SNN).

Wij vindt het belangriek um oeze kennis op het gebied van de beliedsvörming te vergroten en an te wennen um, waar neudig, oeze invloed oet te oefenen.

Het Europa van de toekomst zet in op economische ontwikkeling deur met name regionale samenwerking en veural ook um neie zaken te stimuleren.

Europa waar neudig. Europa mut zich niet bezighollen met zaken die beter decentraal regeld kunt worden. An de aandere kaant mut de provincie zich niet bezighollen met zaken die al deur het Riek of deur Europa regeld bint. Gien Drèentse regels bovenop Haagse of Europese regels. Europese wet- en regelgeving en de vertaoling daarvan deur het Riek, mut makkelijk en doelmatig oetvoerbaar wezen.

Veur wat betreft de VVD:

- De provincie mut blieden samenwarken met Europese partners op het gebied van water, milieu, natuur, infrastructuur en economische ontwikkeling
- De provincie mut een actief Europees beleid voeren
- We bint veurstander van de verdere oetvoering van de 'Duutslant-agenda'
- We zet oes in om de belemmeringen van (internationale) regionale samenwerking te glad te maken
- We vindt dat de verschillende Europese programma's en fondsen zo veul meugelijk in samenhang inzet moet worden.



Financiën

In vergelijking met de meeste andere provincies beschikt de provincie Drenthe over beperkte financiële middelen. Umzichtig financieel beleid, dat baseerd is op duidelijke keuzes: "We gaot erover of we gaot er niet over". Dat is en blef geboden. Dank zij het in de afgelopen jaoren voerde financieel beleid, stiet de provincie er in financieel opzicht goed veur. De Drentse investeringsagenda is een goed instrument bleken um financiële impulsen te verbinden an de Drentse economie en samenleving. De bevolkingsdichtheid van Drenthe is de aanleiding dat sommige openbaar vervoer-veurzienings niet van het peil bint as op sommige andere plekken in Nederland. Het is dan ook logisch dat in Drenthe een grotere ofhankelijkheid van de auto als vervoermiddel bestiet. Wij vindt dat de provincie um dizze reden het autobezit zo leeg meugelijk moet belasten. Op aandringen van de VVD is de indexerung opcenten in de afgelopen jaoren bevreuren. Wij wilt dizze beviezing laoten deurgaon en, as dat meugelijk is, de opcenten verlegen.

Veur wat betreft de VVD:

- ▶ Veur oes is een sluitende begroting oetgangspunt. Net zo as een degelijk financieel belied, dat bouwd mut worden op deurzichtigheid en volgbaarheid
- ▶ Tegenvallers in de exploitatie die leidt tot een tekört, moet niet dekt worden uut de algemiene reserves. Zij moet opvangen worden deur de tering naor de nering te zetten
- ▶ Metvallers in de exploitatie vloeit weerum naor de financiële reserves; zij wordt niet oppot met as doel as vangnet veur laotere tegenvallers
- ▶ De besteding van algemiene en andere reserves bint veur oes bespreekbaar. Zij moet dan wel richt wezen op structuur-verstarkende-, duurzame-, miestal infrastructurele- en veur Drenthe belangrieke investerings
- ▶ Daorbij vindt wij dat er gien lastenverzwaoringen veur de inwoners of particuliere ondernemings kommen moet
- ▶ Leges en heffingen moet, as het kan, kostendekkend wezen
- ▶ Het risico-management bij grote projecten hef teveul het kenmark van het klaorzetten van een financiële buffer, waoroet financiële tegenvallers opvangen wordt. Hoewel het een goeie zaak is dat er financiële buffers bestaot, bin wij toch van miening dat het risico-management anscharpt mut worden um daor met zoveul te veurkommen dat er financiële tegenvallers ontstaot

- De provincie is scherp op de effectiviteit van subsidies. In het geval dat een subsidie niet tot resultaten leidt of als niet wordt voldaan aan de subsidievoorwaarden, dan wordt de subsidie direct inrokkend. Bij misbruik van subsidie wil wij dat al het verstrekte geld terug betaald wordt
- We wilt dat onzinnige subsidievoorwaarden vermeden wordt
- Als bij de subsidieverlening bleek dat de voorwaarden onneig beparkt

- c.q. ongewenst oetpakt, dan moet de voorwaarden aanpast worden
- Wij wilt dat de provincie waar mogelijk lenings inzet in plaats van subsidies. Als voorbeeld via een fonds waaruit budget wordt toekend aan darden zonder dat dit beparkt is tot een boekjaar. De provincie is alert dat aan terugbetalingsvoorwaarden voldaan wordt
 - De provincie houdt controle op bedrijven en instellingen die zaken doet met belastinggeld.



**Voloet
Veur
Drenthe**





Verkiezings- programma

VVD Drenthe 2019